



Dengan tema 'One For All, All For One', klasakan minda dan ketahanan jiwa para peserta telah diuji dengan pelbagai modul dan aktiviti interaktif seperti Mulanya Di Sini, Tak Kenal Maka Tak Cinta, Last Man Standing, Parliament War, The Burj, Hustle-puzzle dan Muhasabah Diri sepanjang program.



Hadir merasmikan penutupan kem ialah Pengetua SMK Ahmad, Hajah Norhasimah Abdul Ghaffar yang turut mengalu-alukan komitmen Kelab In-Smartive dalam konteks pengukuhan jalinan perkongsian pintar dengan sekolah tersebut yang juga merupakan Sekolah Kluster Kecemerlangan (SKK) di bawah seliaan UMP sejak awal tahun ini.

Dalam majlis yang sama, dua pelajar Tingkatan 5, Muhammad Helmie Hakim Halim, 17 dan Nor Farhana Abdullah, 17 telah turut diumumkan sebagai penerima Anugerah Peserta Terbaik In-Team. Ketika ditemui, kedua-dua pelajar tersebut menzahirkan rasa sukacita atas pengalaman yang ditimba sepanjang kem, khususnya pendedahan terhadap kemahiran membuat keputusan dan keperluan untuk mendahulukan akal berbanding emosi pada setiap masa.

Turut hadir dalam majlis tersebut ialah Ketua Penyelidik kepada Naib Canselor UMP merangkap Penasihat Kelab In-Smartive, Wan Nazrul Helmy Wan Mohd Zain dan Presiden Kelab In-Smartive, Muhammad Abdul Muhaimin Mamat.



Berita disediakan oleh Ahmad Badruzzaman Idris, Pembantu Penyelidik, Pejabat Naib Canselor dan Nur 'Aisyatul Sakinah Baharudin, Setiausaha Bahagian Penerangan Kelab In-Smartive manakala foto oleh Wan Amalin Suraya Wan Arifin.

Posted By : NOR FADZILLAH BINTI ZULKIPLI Date Posted : 29-04-2016, 09:58:31